


TEZAUUR LITURGIC
11 OCTOMBRIE

SLUJBA
SF. CUVIOS
LEON
NAGOLKIN
DE LA OPTINA



MINEIUL PE OCTOMBRIE
MOSCOVA



Ме́сяца октяб́ря в 11-й день

Преподо́бнаго Льва О́птинскаго

НА ВЕЛИЦЕЙ ВЕЧЕРНИ

На Го́споди, воззва́х: стихи́ры, глас 8.

Подобен: Что вы наречём:

Что ты наречём, о́тче Льве?/ А́нгела ли? Я́ко во плóти безплóтным поревновáл еси́./ Серафíма ли? Я́ко непрестáнными бдёнными Христа́ прослáвил еси́./ Херувíма ли? Я́ко на тебе́ опочи́ Дух Святы́й?/ Архистрати́га ли собóра О́птинских отцёв?/ Я́ко низложи́л еси́ бесóв шата́ния/ и воево́да всеискúсен яви́лся еси́ Царя́ Христа́,/ Егóже моли́ спастíся душáм нáшим.

Что ты наречём, о́тче Льве?/ Пусты́нных ли Божéственное украшéние,/ или́ пóстников слáвное удобрéние,/ преподо́бных достóйную похвалу́,/ или́ мона́шествующих дíвное весéлие?/ Ты бо ума́стил еси́ сердца́ вёрных елéем Дúха/ и наста́вил еси́ нас на стези́ спасительныя./ Моли́ Христа́ Бо́га спастíся душáм нáшим.

Преподо́бне о́тче Льве,/ па́стырю доб́рый и стра́же неусы́пный,/ в простоте́ и незло́бии пребывáя,/ мона́хов мнóжество упáсл еси́/ и, пúты прéлести растерза́в,/ мы́сленныя во́лки отгна́л еси́./ Тёмже и

ублажи́ ты Небе́сный Па́стырь Христо́с,/ Егóже моли́
спасти́ся душа́м на́шим.

Преподо́бне о́тче Льве,/ сосúде Бо́жия
прему́дрости,/ ре́ки бо наста́влений и поучений
пото́ки/ от се́рдца твоего́ источи́л еси́/ и жа́ждущия
ми́лости Небе́сныя напои́л еси́./ Те́мже и мы, к тебе́
усе́рдно прибега́юще, те́пле вопие́м:/ се́рдца на́ша
изсо́хшая/ благода́тию Христо́вою напитáй.

Сла́ва, глас 6:

Днесь благода́ть Свята́го Ду́ха нас собра́,/ пе́сньми
свяще́нными просла́вити/ собо́р отце́в преподо́бных
О́птинских,/ и́же ве́рнии служи́телие Святы́я Тро́ицы
яви́шася./ Сего́ ра́ди, ве́рнии, к Бо́гу с любóвию
возопи́им:/ святы́й Бо́же, святы́й Кре́пкий,/ святы́й
Безсме́ртный, поми́луй нас.

И ны́не, Богоро́дичен: Кто Тебе́ не ублажи́т:

Вход. Прокі́мен дне. И чтéния преподо́бническая.

На литии стихи́ры хра́ма.

На стихо́вне стихи́ры собо́ра ста́рцев О́птинских, глас 5

Подо́бен: Ра́дуйся:

Ра́дуйтесь, отцы́ досто́блаженнии,/ Ду́ха Свята́го
сосúди избра́ннии,/ мона́хов утвержде́ние и
свяще́нников благоле́пие,/ благоче́стия столпи́
непоколебимии./ Вы бо, дар рассу́ждения в по́двиге
стяжа́вше,/ тьму преле́сти прісно отгоня́ете,/ и

приходящия к вам с вѣрою и упованіем / на спасенія стези наставляете. / Молите спастися душам нашим.

Стих: Честна пред Господем / смерть преподобных Его.

Радуйтесь, веры стражи неусыпнии, / служителие Господни изряднии, / монахом наставницы и Ангелом собеседницы, / во бранех духовных человеком поборницы. / Вы бо молитвою непрестанною / миру присно свет подаваете, / и притекающия к вам с любовию / душевных страстей избавляете. / Молите спастися душам нашим.

Стих: Восхвалятся преподобнии во славе / и возрадуются на ложах своих.

Радуйтесь, светильницы многосветлии, / врачеве безмезднии, / недугующим отрадо и скорбящим утешение, / обуреваемым пристанище немятежное. / Вы бо, именем Христовым всяку язю исцеливши, / болящим здравие душ и телес подаваете, / и молящихся к вам усердно / вѣрою и надеждою исполняете. / Молите спастися душам нашим.

Слава, преподобнаго, глас 6:

Наставниче дивный, отче Льве, / первоначальниче старцев Оптинских, / учителю веры и благочестия, / духовными дары обогатився, / всем подаеши потребная: / скорбящим утешение, / изнемогающим от страстей исцеление, / недужным врачевание, /

грѣшником вразумлѣние./ Сего ради прославим Христа Бога нашего,/ даровавшаго нам угодника дивнаго/ и молитвенника о душах наших.

И ныне, Богородичен, глас тойже.

Тропарь собору старцев Оптиных, глас 6:

Православныя веры светильницы,/ монашества неколебимыи столпы,/ земли Российския утешителие,/ преподобнии старцы Оптиностии,/ любовь Христову стяжавшии/ и души своя за чادا полагавшии,/ молитесь ко Господу,/ да утвердит земное отечество наше/ в православии и благочестии/ и спасет души наша.

Тропарь преподобному, глас 3:

Постническими труды украсився,/ со ученики преподобнаго Паисия подвизался еси,/ от нихже старчества благодать приим,/ сие во обители Оптистей насадил еси./ Темже, богоблаженне отче Льве,/ яко имеяй дерзновение ко Господу,/ моли от страстей нас избавити/ и спасти души наша.

НА УТРЕНИ

По 1-м стихословии седален собору старцев

Оптиных, глас 4:

Приидите, вернии, в песнях духовных преподобных отцев почтим:/ тии бо, во славе Царствия Небеснаго пребывающе,/ за ны молят

Всемілоствиваго Бо́га,/ да поста́вит нас одесну́ю Себе́/ в день сла́внаго и стра́шнаго пришѣствія Своего́.

Сла́ва, седа́лен преподо́бнаго, глас то́йже:

Плотскія стра́сти уздо́ю воздержáния укротив,/ рáзум духо́вный пребогáтно стяжа́л еси́, Льве присносла́вне,/ егóже моли́ и нам получи́ти у Христа́ Бо́га,/ да наслéдники Цáрствія Егó явímся.

И ны́не, Богорóдичен, глас то́йже:

Бу́рею напáстей и треволнѣний грехо́вных потопля́емь/ и лука́выми по́мыслы в бѣздну отчáянія влекóмь,/ усѣрдно вопию́ Ти:/ Влады́чице Пречистая,/ спаси́ мя, раба́ Твоего́.

По 2-м стихослóвии седа́лен собóру старцев
О́птинских, глас 1.

Днесь Цѣркве Ру́сския торже́ство и отѣчества на́шего весѣлие,/ се бо обитель О́птинская мощáми преподо́бных, я́ко зláтом нетлѣнным, красу́ется/ и пáмятию святы́х сво́их благоухáет./ Тѣмже приступите к ним всяк вóзраст и вся́ко сослóвие, в рáдости вопию́ще:/ сла́ва Просла́вльшему вас,/ сла́ва Дáвшему вам благодáть,/ сла́ва Подаю́щему ва́ми всем исцелѣ́ния.

Сла́ва, седа́лен преподо́бнаго, глас 4:

Я́ко дѣ́вная прозябе́ния виногра́да Божѣ́ственнаго /
возра́стї Христо́с ча́да тво́я, преподо́бных Мака́рия и
Амвро́сия, / и́мже наста́вник яви́лся еси́, Льве
прему́дре. / Ны́не же с ни́ми во Ца́рствии Небе́сном
пребыва́еши / и прославля́еши Тро́ицу Единосущную
и Неразде́льную.

И ны́не, Богоро́дичен, глас то́йже:

Я́ко Хра́м и Престо́л Царе́в, Пречи́стая, / се́рдце
моё, стра́стьми́ безме́стными оскверни́вшееся,
очи́сти, / и, целому́дрием украси́вши, де́лы благо́ими
обога́ти, Богоблагодáтная.

Велича́ние:

Ублажа́ем тя, / преподо́бне о́тче Льве, / и чтим
святу́ю па́мять твою́, / наста́вниче мона́хов / и
собесе́дниче А́нгелов.

Псалом избранный преподобным.

По полиелеи седаен собору старцев Оптиных,

глас 6:

Божѣ́ственный полкъ всечестных о́тцев /
пѣ́сенными венцы́ украси́м, боголю́бцы; / ти́и бо,
де́монов по́лчища победивше, / ве́ру правосла́вную в
челове́цах утвержда́ют. / Их предста́тельством,
Го́споди, приими́ моле́ния на́ша / и да́руй нам ве́лию
ми́лость.

Сла́ва, седа́лен преподо́бнаго, глас то́йже:

Моли́твами твои́ми укрепля́еми, Льве досточу́дне,/
дерза́ем к Бо́гу взыва́ти:/ пода́ждь нам, Го́споди,
сокруше́ние серде́чное и чистоту́ помысло́в,/
па́мь смёртнующую и кончи́ну непосты́дную,/
да, изба́вьшися зло́бы духо́в поднебе́сных,/
безбе́дне про́йдем мыта́рства и Ца́рствия Небе́снаго дости́гнем.

И ны́не, Богоро́дичен, глас то́йже:

Тя, Ма́ти Де́во Чи́стая, Предста́тельницу твёрду
вёмы/ и Богороди́тельницу испове́дуем и́стинно,/
Бо́га бо Сло́ва неизрече́нно родила́ еси́./ Сего́ ра́ди Тя
вси́ досто́йно пе́сньми велича́ем.

Степе́нна, 1-й антифо́н 4-го гласа. Проки́мен, глас
4: Честна́ пред Го́сподем/ смерть преподо́бных Его́.
Стих: Что возда́м Го́сподеви о всех, я́же воздаде́ ми?
Ева́нгелие от Матфе́я, зача́ло 43.

По 50-м псалме́ стихира собо́ру ста́рцев О́птинских,
глас 6:

И́же на земли́ А́нгели/ и на небеси́ челове́цы
Бо́жии,/
ми́ра благо́е украше́ние/ и оте́чества на́шего
утвержде́ние,/
мона́хов и преподо́бных похва́лу,/
собо́р преподо́бных отце́в О́птинских почти́м:/
насажде́ни бо в дому́ Госпо́дни/ и процвётше
пра́ведно,/
мно́гия заблудши́я на путь спасе́ния
наста́виша/ в преподо́бии и пра́вде.

Канон собору старцев Оптиных, глас 8.

И преподобному канон, глас 2,
егоже краеграние: Радуйся, Льве, старчества
Оптинского гласно.

Песнь 1

Ирмос: Во глубине постла иногда / фараонитское
всевоинство преоруженная сила, / воплощенное же
Слово всезлбный грех потребило есть, /
препрославленный Господь, / славно бо прославися.

Припев: Преподобне отче наш Льве, моли Бога о
нас.

Разум даждь нам, Всесильне Господи, / достойно
воспеть угодника Твоего, / Льва премудраго, старца
Оптинского, / чистоты и милосердия евангельскаго
исполненнаго / и духом премудрости светло
украшеннаго.

Ангельски на земли пожив, преподобне, / и,
служение старческое, яко крест, благопослушне от
Господа приим, / мудрый наставник многим иноком и
миряном явился еси.

Духом Божиим наставляемь, / тайну человеческого
сердца проразумевал еси, / смиренномудрый угодниче
отче Льве, / темже и многия люди к Небесному
Царствию привел еси.

Богородичен: Упование наше и похвало, Дево
Чистая, / Христа Спаса моли, / оставление

прегрешений нам подати, / верою и любовию Тя почитающим.

Песнь 3

Ирмос: Процвела есть пустыня, яко крин, Господи, / языческая неплодящая церковь, / пришествием Твоим, / в нейже утвердися мое сердце.

Истину евангельскую возлюбив и куплю житейскую оставив, / к монашескому житию устремился еси, преподобне, / нищету духовную стяжав и мужественне греху противостав, / гордыню злокозненнаго врага посрамил еси.

Свою волю нивчтоже вменяя, отче преподобне, / пустыннолюбцу Феодору последовал еси / и, сладость послушания и покой безмолвия вкусив, / страстей треволение, богоблаженне, укротил еси.

Яко сын послушания и ученик добронравный, богомудре Льве, / предание отеческое наследовал еси, / егоже преподобный Пайсий, яко божественныя класы собра.

Богородичен: Лицы Ангельстии поют Тя, Богорадованная Владычице, / Херувими же и Серафими достойно славословят, / не презри и хвалы земнородных, воспевающих Тя.

Седален, глас 4:

Яко страж Божий, воистину явился еси, отче Льве, / стадо твое неусыпно и бодренне сохраняя, / и

ны́не огради́ нас моли́твами твои́ми, / ве́рою и
любо́вию па́мьять твою́ соверша́ющих.

Сла́ва, и ны́не, Богоро́дичен:

Я́ко Божество́нный Мир, Спа́са Христа́, поро́ждши,
Де́во Чи́стая, / мир ми́рови и спасе́ние всем подала́
еси́, / те́мже и жизнь на́шу умири́ и ду́ши спаси́, я́ко
Блага́я.

Песнь 4

Ирмо́с: Огнѐм очи́ща тѝйнаго зрѝния, / поя́ проро́к
челове́ков новоде́йство, / возглаша́ет глас, Ду́хом
плѝщущ, / воплоще́ние неизрече́нна Сло́ва, / И́мже
си́льных держа́вы сотро́шася.

Все́м приходя́щим к тебе́ наста́вник му́дрый
яви́лся еси́, о́тче Льве, / и просла́вися жити́е твоѝе, /
умертви́в бо мудрова́ния плотская́, / глуби́ны ве́дения,
широты́ любве́ и высоты́ смире́ния дости́гл еси́.

Егда́ к Бо́гу любо́вию возгоре́лся еси́ и усѝрдно
То́му послужи́ти восхоте́л еси́, / тогда́, я́ко зе́млю и
пе́пел себе́ вменя́я, / в пусты́ню безмо́лвия удали́лся
еси́, о́тче преподо́бне.

Свети́льник све́тел в пусты́ни яви́вся, / мрак
бесо́вский далѝче прогна́л еси́, / моли́тву же
непреста́нную в се́рдце, я́ко меч в руце́, имѝя, /
де́монов злобу посра́мил еси́.

Богоро́дичен: Тя Предста́тельницу тве́рду ве́мы / и
Богороди́тельницу и́стинную испове́дуем, / я́ко Бо́га

Слова неизреченно родила еси, Марие Дево, / темже спасай Тя призывающия.

Песнь 5

Ирмос: Ходатай Богу и человеком был еси, Христе Боже: / Тобою бо, Владыко, к Светоначальнику Отцу Твоему, / от ноши неведения, / приведение имамы.

Ангельскаго жития взыскуя, / на стезю иночества невозвратным помыслом ступил еси / и, мудрость отцев преподобных стяжав, / наставник и утешитель многим явился еси, богоблаженне.

Радостно днесь славит обитель Валаамская постнические труды твоя, отче Льве, / zde бо иноческие подвиги со преподобным Феодором подъял еси, / и ныне с ним на Небеси купно радуешься.

Чистоту сердца и ум светел стяжал еси, отче, / дела благими и чудесы, яко светильник многосветлый, сияя, / и прелести тьму благодарованным ти разсуждением изобличил еси.

Елицы купли ради духовныя к тебе прихождаху, / златом смиренномудрия обогащяхуся, / темже и нашу нищету ущедри, отче Льве, / евангельских добродетелей великое сокровище стяжавый.

Богородичен: Светлый Облаче, Солнце мира, Господа Иисуса, носивши, / покрый мир от соблазнов, / и зеницы очес духовных просвети, / во еже славу Твою мысленно зрети / и любовью пети Тя, Всеблаженная.

Песнь 6

Ирмос: Во глубинѣ греховней содержимъ есмь,
Спасе,/ и в пучинѣ житейстей обуреваемъ:/ но якоже
Иону от зверя,/ и мене от страстей возведи, и спаси
мя.

Тесным путем шествуя,/ житие богоугодно
исправил еси, преподобне,/ в Оптину же пустынь
вселився,/ духовный вертоград устроил еси.

Велиих искушений пучину преплыв,/ бисер умных
молитвы, яко добр купец, обрел еси/ и пустынь
Оптинскую, яко духовную сокровищницу,/ златом
отеческаго предания обогатил еси, отче Льве.

Адамант тверд в терпении искушений демонских,
на тя воздвизаемых, явился еси, преподобне,/ темже
болезни и труды, скорби и гонения,/ яко Иов, кратко
претерпел еси, на Бога уповая.

Отеческою любовью в болезнях и скорбех сущих
покрывал еси/ и мучимых от духов нечистых исцелял
еси/ силою на тебе почившаго Всесвятаго Духа.

Послушлив и рачителен, яко пчела божественная,
быв,/ нектар духовный собрал еси, богомудре Льве,/
имже чада церковная и монашествующих соборы
препитал еси.

Богородичен: Тверду веру даждь ми, Владычице,/
яко многими прилоги смятѣся сердце мое,/ ветром
бесовских искушений обуреваемо,/ но управи

ше́ствие моё, Богоневёсто, / Ты бо при́стань оти́шная
рабо́м Твои́м.

Конда́к преподо́бному, глас 6:

Тё́сным путе́м в жити́и твоём ше́ствуя, / на вы́соту
добродёте́лей возше́л еси́ / и, благода́ть па́стырства от
Бо́га при́им, / словéсныя о́вцы до́бре упáсл еси́ / и
ста́рчеству твёрдое основáние / во обители́ О́птинстей
положи́л еси́. / Те́мже ны́не, преподо́бне о́тче Льве, /
предсто́я Пресвяте́й Трои́це, / моли́ спаст́ся
благоче́стно тя почита́ющим.

И́кос:

И́стиннаго смире́ния и послуша́ния де́латель быв, /
дар благода́ти Бо́жия стяжа́л еси́ / и, жезл ста́рчества
от Благода́теля вся́ческих при́им, / Христо́во ста́до
словéсных овец на па́житех благоче́стия упáсл еси́ / и
мона́шествующих до́бре наста́вил еси́. / Те́мже по
блаже́ннем преставле́нии твоём, / Престо́лу Святы́я
Трои́цы во сла́ве ны́не предсто́я, / моли́ спаст́ся
благоче́стно тя почита́ющим.

Песнь 7

Ирмо́с: О́бразу злато́му на по́ле Деи́ре служи́му, /
три́е Твои́ о́троцы небрего́ша безбо́жнаго велéния: /
посредé же огня́ ввёржени, ороша́еми по́яху: /
благословéн еси́, Бо́же оте́ц на́ших.

Иску́с подъя́л еси́, богому́дре Льве, жити́я
по́стническаго / и взыску́ющим о́наго и́стинный

путевождь явился еси, / наставляя их взывать: /
благословен еси, Боже отец наших.

Недужи врачуются и демони отбегают молитвами
твоими, отче Льве, / темже мнози с верою к раце
мощей твоих притекают и благодарне вопиют: /
благословен еси, Боже отец наших.

Собор Оптинский тобою хвалится, преподобне, /
ты бо, яко камень непоколебим во искушениях
пребывая, / на Камени веры утвердятся научал
еси, взывая: / благословен еси, Боже отец наших.

К тебе, преподобне, притекают вернии, / яко любви
Христовы исполнен быв, / отец сирот и вдовам
заступник, / нищим питатель и наставник
заблудшим явился еси, поющим: / благословен еси,
Боже отец наших.

Аще и многия скорби терпел еси, / обаче не оставил
еси прибегающих к тебе, глаголя: / аще и в изгнание
пойду, или во огонь, аз буду тойже, взываяй: /
благословен еси, Боже отец наших.

Богородичен: Госпоже и Царице Ангелов, /
царствующи присно на Небесех, / грады и веси земли
Русския покрывай, Богородительнице, / и рог
православных возвыси, вопиющих: / благословенна
еси, Дево Пренепорочная.

Песнь 8

Ирмос: В купинѣ Моисѣю Дѣвы чудо,/ на
Синаѣстей горѣ, прообразившаго иногда,/ пойте,
благословите,/ и превозносите во вся веки.

Оптинский скит, якоже райский сад, возделал
еси,/ в немже ученики твоя возрастил еси,/ иже
благодатне процветоша/ и землю Русскую ароматы
молитвенными облагоухаша.

Гонения благодуще претерпел еси,/ яже лукавый
завистию воздвиге на тя оглаголением от человек,/
за обидящих и претящих ти кратко молился еси, отче
Леве преподобне,/ в незлобии Христу подражая.

Лесть обличил еси, богомудре,/ и, прелести тьму
потребив, души от плена бесовскаго избавил еси,/
темже и исцеления подаждь к раце мощей твоих
притекающим/ и превозносящим Христа во вся веки.

Богородичен: Адамово возвание и Евино
избавление, Марие Дево,/ потщися спасти верныя
люди Твоя,/ поющия и превозносящия Тя во вся
веки.

Песнь 9

Ирмос: Безначальна Родителя Сын, Бог и Господь,/
воплотся от Девы нам явися,/ омраченна
просветити, собрати расточенна./ Тем Всепетую
Богородицу величаем.

В зѣмлю крѳтких вселился еси, незлѳбив сый, / и, добродѣтелями преукрашен, с Вышними ликуеши, / тѣмже спасай нас предстательством твоим, ѳтче богохвальне.

Источает благовония, яко крин, рака честныхъ мощей твоих, / вразумляючи верныхъ / благоухание райскаго селения разыскати, / ѳтче Льве достославне.

Зарю Духа облистаеть, / в пустыни Оптинстей свѣтло просиял еси, ѳтче преподобне, / тѣмже и донѣ сияеши / во тьме греховней пребывающимъ.

Небесная дарования приим, / прозревал еси будущая, яко настоящая, / тѣмже, многия в вере утвердив, / ко спасению привел еси. / Моли, преподобне, с прочими отцы / в мире соблюсти обитель нашу, / пѣснями собор старцев Оптинскихъ ныне прославляющихъ.

Богородичен: Отечество наше заступи, Владычице, / и помощь подай страждущимъ, / сирья приими под кров Твой честный / и души озлобленные умири, Богоблагодатная. / Ты бо еси спасение вероу Тя величающихъ.

Светилен:

Божественнымъ Свѣтомъ просвещен, / свѣтомъ добродѣтелей свѣтло просиял еси, ѳтче Льве, / и на свѣщнице оптинстей поставлен, / ныне просвещаеши всехъ верно к тебе прибегающихъ.

Сла́ва, и ны́не, Богоро́дичен:

Моли́твами Пречи́стыя Ма́тере Твоея́/ и всех проро́ков, и му́чеников,/ и свяще́нных учени́к, Сло́ве Бо́жий,/ пода́ждь нам мир и очище́ние прегреше́ний.

На хвали́тех стихи́ры преподо́бному, глас 8.

Подобен: О, пресла́внаго чудесе́:

О, пресла́внаго чудесе́!/ Преподо́бный Лев О́птинский,/ блаже́ннаго Феодо́ра учени́к неленостен,/ и до́брый рачи́тель послуша́ния/ храм че́стен Святы́я Трои́цы показáся/ и му́дрый наста́вник ве́рным яви́ся./ Сего́ ра́ди лечьбы́ благода́тныя предлага́ет/ и бра́шны духо́вными оби́льно всех насыща́ет/ с ве́рою к нему́ притека́ющих.

О, пресла́внаго чудесе́!/ О, Божество́ннаго произво́ления!/ Яко дарова́ нам Госпо́дь наста́вника неложнаго,/ о́птинскаго ста́рчества основа́ние,/ преподо́бнаго Льва и прему́драго/ и моли́твы у́мныя де́лателя неусы́пнаго./ Сей бо ско́рый помо́щник и засту́пник усердны́й/ и па́стырь до́брый на ниве Христо́вой яви́ся/ с ве́рою к нему́ притека́ющим.

О, пресла́внаго чудесе́!/ Яко сосу́д Ду́ха Свята́го испо́лненный,/ Лев богому́дрый ублажа́ется/ и на́ми благоговейне прославля́ется,/ и́же прост и незло́бив сый,/ мно́гия лю́ди на путь спасе́ния наста́ви./ Ны́не

же, собор ѡптинских преподобных украшая, / Божію
Престолу предстоит / и молится о душах наших.

Слава, глас тойже:

Отче Льве приснопамятне, / ты дар врачевания
своими болезнями стяжав, / здравие приходящим к
тебе подаеши, / и якоже древле чад своих, возлюбив,
наставил еси, / врачуя болезни и труды облегчая, /
сице и нас не забуди посещати / и молися Христу Богу
о душах наших.

И ныне, Богородичен, глас тойже.

НА ЛИТУРГИИ

Служба преподобническая.

**[Утверждена Священным Синодом
Русской Православной Церкви
17.12.2016 (журнал № 127).]**

